

UNIVERZITET U TUZLI

Broj: 01-8-JN-14/22

Tuzla, 15.03.2022. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14) i člana 65. stav (1), tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-8-JN-13/22 od 14.03.2022. godine, po punomoći Rektorice Univerziteta u Tuzli broj: 01-2593-1/20 od 11.06.2020. godine Direktor za ekonomske poslove dana 15.03.2022. godine donio je:

ODLUKU O IZBORU NAJPOVOLJNIJEG PONUĐAČA

I

U okončanom otvorenom postupku javne nabavke za pružanje usluga kolektivnog osiguranja radnika Univerziteta u Tuzli od posljedica nesretnog slučaja u 2022 godini, kao najpovoljniji ponuđač izabran je „UNIQA OSIGURANJE“ d.d Sarajevo, te se istom dodjeljuje ugovor o pružanju usluga.

II

Ponuda ponuđača iz tačke I ove Odluke ocijenjena je kao najpovoljnija iz razloga što ispunjava sve uslove postavljene u tenderskoj dokumentaciji i što je prilikom poređenja sa ponudama ostalih kvalifikovanih ponuđača, a primjenom utvrđenog kriterija odabira „ekonomski najpovoljnija ponuda“ koji je uključivao podkriterije: premija osiguranja, i rok isplate osigurane sume nakon kompletiranja dokumentacije, ostvarila najveći broj bodova.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH navedene u tački 8. Tenderske dokumentacije.

O b r a z l o ž e n j e

Univerzitet u Tuzli pokrenuo je postupak za izbor najpovoljnijeg ponuđača za pružanje usluga kolektivnog osiguranja radnika od posljedica nesretnog slučaja u 2022. godini, putem Otvorenog postupka javne nabavke broj: 01-8-JN-2/22 od 21.02.2022. godine objavljenom na Portalu javnih nabavki dana 21.02.2022. godine pod brojem: 795-1-2-10-3-32/22, «Službenom glasniku BiH» broj: 11/22 od 25.02.2022 i WEB stranici Univerziteta. U ostavljenom roku ponude je dostavilo pet ponuđača i to: «OSIGURANJE AURA» a.d. Banja Luka, «UNIQA OSIGURANJE» d.d. Sarajevo, «ASA OSIGURANJE» d.d. Sarajevo, «SARAJEVO OSIGURANJE» d.d. Sarajevo, «PREMIUM OSIGURANJE» a.d. Banja Luka, Filijala Sarajevo.

Nakon javnog otvaranja ponuda Komisija za provođenje postupka javne nabavke izvršila je detaljan pregled dostavljenih ponuda te utvrdila da je Ponuđač „PREMIUM OSIGURANJE“ a.d. Banja Luka, Filijala Sarajevo na strani 67/67 ponude dostavio Punomoć koje je vlastodavac „Premuim osiguranje“ a.d. Banja Luka, Filijala Sarajevo, umjesto da je ista data od strane pravnog lica prema sjedištu Društva, te na stanama 6/67, 7/67 i 16/67 Ponuđač je u svojoj poudi priložio Izjave iz člana 45., 47. i 52. ZJN BiH u kojima je davalac izjava Filijala sa unešenim podacima od Filijale Sarajevo, jasno naznačen ID broj, adresa Filijale/Podružnice, a koja nema svojstvo pravnog lica u skladu sa članom 10. Stav (3) Zakona o privrednim Društvima („Službene Novine Federacije BiH“ broj: 81/15),

Podružnice/Filijale kao niže organizacione jedinice Društva nemaju svoj subjektivitet, nastaju odlukom o osnivanju koju donosi ovlašteni organ društva u skladu sa osnivačkim aktom, te shodno tome na Filijalu se ne mogu odnositi definirani kriteriji iz članova 45., 47., i 52. ZJN BiH, već izjava isključivo mora glasiti na ime Društva kao pravnog lica, a koje je a priori preuzelo tendersku dokumentaciju sa portala E-nabavke, evidentirano pod podacima Društva. Nadalje na strani 65/67 ponude Nacrt ugovora nije popunjen u skladu sa tačkom 4.11 TD tj. u članu 4. Stav 1 je naveden neispravan podatak premije koplektivnog osiguranja po radniku Osiguranika. Ponuđač je naveo premiju za 680 zaposlenika a Nacrtom je jasno zahtjevano da se unese premija po radniku Osiguranika.

Zbog svega naprijed navedenog a uvažavajući član 68. Stav (1) ZJN BiH, u kojem je propisano da Ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotrebne dokaze ili je lažno predstavio informacije koje su dokaz o ispunjenju uslova iz člana od 45. Do 51. Ovog Zakona, i da je članom 68. Stav (4) tačka i) propisano da je ugovorni organ dužan odbaciti ponudu u slučaju da ponuda nije potpuna i ne ispunjava zahtjeve iz tenderske dokumentacije i činjenice da je postupak javne nabavke stogo formalan postupak i da svaki nedostatak predstavlja osnov za odbacivanje ponude sa nedostatkom, ponuda ponuđača „PREMIUM OSIGURANJE“ a.d. Banja Luka, Filijala Sarajevo se odbacuje kao nekvalifikovana i neprihvatljiva.

Ponude ponuđača „OSIGURANJE AURA“ a.d. Banja Luka, „UNIQA OSIGURANJE“ d.d. Sarajevo, „ASA OSIGURANJE“ d.d. Sarajevo i „SARAJEVO OSIGURANJE“ d.d. Sarajevo sadrže svu dokumentaciju zahtjevanu tenderskom dokumentacijom zbog čega su ocjenjeni kvalifikovanim za dobro obavljanje posla, a njihove ponude prihvatljivim.

Prihvatljive ponude kvalifikovanih ponuđača bodovane su u odnosu na zadani kriterij odabira „ekonomski najpovoljnija ponuda“ nakon čega je sačinjena rang lista ponuda po povoljnosti kako slijedi:

1. „UNIQA OSIGURANJE“ d.d. Sarajevo,
2. „SARAJEVO-OSIGURANJE“ d.d. Sarajevo,
3. „ASA OSIGURANJE“ d.d. Sarajevo,
4. „OSIGURANJE AURA“ a.d. Banja Luka.

Budući da ponuda ponuđača „UNIQA OSIGURANJE“ d.d. Sarajevo, ispunjava sve kriterije postavljene u Otvorenom postupku, to je Komisija dala preporuku Direktor za ekonomske poslove da donese Odluku o izboru ovog ponuđača za pružanje usluga kolektivnog osiguranja radnika od posljedica nesretnog slučaja u 2022. godini i istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba ugovornom organu Univerzitetu u Tuzli u roku od 10 (deset) dana od dana njenog prijema, na adresu dr. Tihomila Markovića br.1.


Prilog: Zapisnik o pregledu i ocijeni ponuda broj:

01-8-JN-13/22 od 14.03.2022. godine

DOSTAVITI:

1x svim učesnicima

1x a/a



DIREKTOR ZA
EKONOMSKE POSLOVE

Husein Matović
Husein Matović, dipl. oec.